

7. Hyd rhaff angor prin oedd rhyngddo
Fo â lanio yn ei le
Pan, mewn cymysg derfysg dirfawr,
Trawodd lawr ar graig fawr gre';
Ei ochr ddrylliwyd gan y dynnod,
Erchyll drallod, archoll drist;
Dyled pawb yw gwylio beunydd—
O mor ddedwydd crefydd Crist!
8. Paham, awel, y cynhyrfi?
Ti, os plygi y *Supply*
A dinistrio llong mor fechan,
Llid a thuchan, gogan gei;
Taffl y creigiau i'r rhyferthwy,
Gwasgar hwy, ruadwy wynt;
Bydd i'r llongau'n gynorthwyl;
Cei dy ganmol, haeddol hynt.
9. Gweision ydyw'r gwynt a'r tonnau
Yn cwblhau, yn ddiau, ddeddf
Ac ewyllys eu Creawdwr;
Sw'n Ei gryfdwr sy'n eu greddf;
Pan ddywedo "Byddwch wrol!",
Yn ôl Ei nerthol air hwy wnânt;
Os rhaid gyda pheri adfyd
Foddi hefyd, ufuddhant.
10. Sugnydd chwech i safn Marwolaeth,
A Rhagluniaeth yn rhoi glan
I bedwar dyn ar ddeg ohonynt—
Da fu'r helynt, Duw fo'u rhan;
Yn ôl eu dawn, i feibion dynion
Mae'r fath droeon chwervon chwith
Yn arddangos yn dra golau
Y daw Angau ymhob rith.
11. Thomas Williams, y llong-lywydd,
Heddiw sydd a dydd ei daith,
Hyd ei yrfa, wedi darfod
Ar y gwaelod, oera' gwaith;
A'i ferch Sidney yr un ffunud,
Yr un munud, i'r un man;
Hyll i hon oedd golli'i heinioes,
Garw loes, wrth gwr y lan.
12. Pe rhyw les fuasai dyfais,
Anian ymgais, dyn a'i nerth,
Ni threngasai Ellis Gruffudd
Yn y cystudd tonnog certh,
Na Dafydd Thomas o Bantfali
Yn yr heli anwar hallt;
Taffai'r môr rai llai eu hawgrym,
Yn nydd ei rym, i nawdd yr allt.
13. Cyrff y pedwar uchod cafwyd
A derbyniwyd gan dŷ'r bedd;
Tua hwn mae pawb a'u trafael—
O mor wael yw marw wedd!
Mae Tŷ, er datod y daearol,
Eto'n ôl gan ddwyfol ddawn
I'r cyfiawnion; cânt o'r beddrod,
Ddydd i ddod, ollngdod llawn.
14. Ond John Jones a William Williams,
Enwau dinam, sy'n y don;
Am hyn mae chwanegol gystudd,
Och! llwyr brudd, uwch llawer bron;
Yno'u hesgryn a wasgerir:
Cesglir, dygir, hwy bob darn
Pan cano'r utgorn uwch yr eigion,
"Codwch, feirwon! Dewch i farn!"
15. Tad trugarog llawn addfwynder,
Dy wir dyner arfer yw
Llwyr fendithio dyrys droeon
Er rhybuddion i'r rhai byw;
Gwna i'r gweddill a adawyd
Fyw yn d'arswyd a'th ofn dwys,
A Gair dwyfol boed eu rheol
Gydwybodol yn gyd-bwys.
16. Cafodd gweddwon gennyf ddigon
O'th fendithion, rhoddion rhad;
Ti i'r gwâr amddifaid gwirion
Fuostr ffyddlon dirion Dad;
Boed i'r un drugaredd eto
Fuan wawrio, addfwyn wedd;
Gweddwon ac amddifaid Enlli
Gaffo'i phrofi hi a'i hedd.
17. Drwy'r holl ynys treiddied sobrwydd,
I'th Air, llwydd a rhwydd fawrhad;
Tyn ei phobl i'r wir ymgeledd
O fewn hedd y Cyfiawnhad;
Boed eu gweddi hwy bob ennyd
Pan ar hyd terfysglyd fôr:
"Arglwydd, ar y gwynt a'r tonnau,
Cau dy ddymau, cadw ddôr".
18. Tro galonnau gwŷr y llongau
Trwy holl barthau bannau byd
I gydnabod ac i gredu
Mai Ti sy'n meddu'r gallu i gyd;
Dangos iddynt nad oes noddfa,
Diogelfa, ond y Gŵr
A ŵyr rif y sêr a'u henwau,
Rhif a phwysau'r dafnau dŵr.

Tâp AWC 820. Recordiwyd (Pennill 11 yn unig) 7.10.64 gan William Jones (pof, p. 1906). Gladstone, Aberdaron, sir Gaernarfon. Yr oedd hon yn un arall o'r lliaws canuon a glywodd WJ gan ei daid, gŵr a fu'n byw ym Mhen Llŷn ar hyd ei oes.